



KBC|THUSO

Kum 55 Ihinna

Phallha/November 2018

Christian Neichin



DECEMBER EVENTS : Youth Dept Assembly - 5-6 | Men Dept. Assembly - 8-9 | Women Dept. Assembly - 11-13

"Kapa theng, eini pumkhat ihi bang a amaho jong
pumkhat ahitheina ding un, Nangman amahohi hong in"

John. 17:11



19 channa Meitthai Camp New Lambulane mun ah 17 - 20 Oct. 2018 in ana um in lolhing tah in akichai tai.



Houbung thah Govajang Baptist Church KBC No. 4 chu Rev. Mangpi Haokip Gambih Pastor in 17 Oct. 2018 ni in Lahlutna ana neitai.

CONTENTS

THUMAKAI HO

1. Editorial/Christian Neichin	1
2. Pathen phattheiboh/Rev. D. Doungei	4
3. Kismthahna Hinkho/Pastor Haoneo Haokip	6
4. Chapangte Nikho Hungkipatdan/Evan. Chingboi	10
5. Mission Column	13
7. Men Column	16
8. Women	17
9. Youth Column	23
10. Report	29

EDITORIAL BOARD

<i>Chairman</i>	: Rev. Dr. Hawngam Haokip, President KBC
<i>Editor</i>	: Dr. M. Thonghosei Haokip, General Secretary
<i>Joint Editor</i>	: Rev. Henjalen Doungei
<i>Contributing Editors</i>	: 1. Rev. Letpu Kipgen 2. Rev. Onthang Haokip 3. Rev. Kaikhokam Chongloi 4. Pastor Paokhohao Haokip 5. Pastor Satminlen Khongsai
<i>Cir. Manager</i>	: Ms. Lhingjanem Haokip
<i>Design & Layout</i>	: Hemkholen Haokip

THUSO LAHMAN

Church/Organisation/ DepartmentRs. 300/-
IndividualRs. 200/- (Post a Rs. 250/-)

Indian Overseas Bank, Imphal Branch
A/c No. 073201000000350 IFSC No. IOBA0000732

The General Secretary,
Kuki Baptist Convention,
Opp. DM College, Imphal 795001, Manipur
email: kbcindia@rediffmail.com

Advertisement bolnom hon Mobile No. 8131803543 Contact thei.
Circulation to kisai lam Mobile No. 9862633173 bol ding.



“Christian Neichin”

Editorial

“Hikom jenga jong min gou chinga chu tahsan umtah mi kitap angaiya aholji ahi”

1 Cor.4:2.

Thumakai:

Amasatah in muntina um Kuki Christian chate jouse ahideh a KBC member ho jouse chungu i Pakaiyu Jesu Christa minin salaam kahinpe cheh uve. Tulha thupi chu “Christian Neichin” kiti ahi toh kilhonin, hiche thudol ah chomcha ana kihoulim u hite. Neichin hin ipi pi hop ham? Ipia iti chuleh koi nei Ching ihivem?

Nei Chin (Stewardship) Ipi Ham?

Neichin kiti hi midang thil le lo vesui tina ahi. Tekahna a, Joseph chu Potiphar in-sung vetup anahin, neiching ahi (Gen.39:4-6). Sappauva ‘Manager’, ‘Steward’, etc tin akikouve. Achuti leh Christian khat chu ama a hilouva, midan (Pathen) gou neiching ahi tina ahi. “Nangho nanghoa tum nahipouve, nangho man kippa kichosa nahitauve ...” (1Cor.6:20). Neichin hi al-

hangpi in tahsa leh lhagao midem pumpi a hop in, Christian khat chu ama tahsa (body), phat (time), nei leh gou (property), chuleh lhagao hinkho a neiching ahiuve.

Tahsa (Body):

*Christian tehi itahsa pheu chung a neiching ihi-
uve ti Solchah Paul in kicheh tah in eiseipeh uve.
mopohna anei kit uve. "Ahilou jong leh Pathena
kona naneiyu Lhagao Theng nalung sung uva
changa chu natahsau hi ain-theng ahi ti nahet
louv ham?" tin thudoh aume. I tahsapheu hi
Pathen Intheng ahi leh, neh leh don, sil-le-chen,
ima a suhboh lou ding mopohna inei uve. Sapte
thuchih in, 'If you lose your money, you do not
lose anything; If you lose your limb, you lose
something; But if you lose your character, you
lose everything' ati hi phatah a gel angaiye.
Character hi itahsa pang lou vin akisem thei
poi.*

Phat (Time):

*Tahsa phea neiching ihinau bana, phat phatah
a mangtup ding a mopohna nei ihiuve. Tulai
Business world a min ase chu, "Time is Money"
atiuve. Ahin, Christian te ding a phat hi ichan a
manlu ah ham? Sum hi itobangin manlu lseh
henlang hijong leh hola nungmu thei ahi. Ahin,
phat chesa kinung kou theilou ahi. Sum manga
phat mantam jo ahin, Christiante ding a hat
hi hinkho ahiye. Koi hijongleh phat mangkhel
chu ahinkho mangkhel ahin, hat mangtup chu
hinkho mangtup ahiye.*

Nei leh Gou (Property):

*Nei leh gou jonghi phatah a chintup ngai ahiye.
Mi tampihi sum amuna sanga aphal pontho/
hongphal ihiuve. Kimkhat kit chu sum akhol*

jingjeng, phaldohna neinom lou jong aume. Amavang, sum, dangka, sana, nei leh gou jong hi akimanchahna dinga mangcha dinga mopohna nei ihiuve. Hopsom leh adana dang kitap tam a pena, mi genthei, chagaho kithopi-na, etc. ho a mopohna, alumna lama, atheng tah ahi angaiye.

Lhagaova (Spiritual)

Houbung sunga halna leh kipana aumna thei dinga amitakip in mopohna inei uve. Tahsa a hing kihi jong leh lhagao hinkho a huhhingna leh machaalna umlouvin abukim poi. Bible in, "Mikhat chun vannoi leiset neiheh lang ahinna chaan taleh ipi aphatchompi ding ham?" (Mk.8:36,37). Tu hinkhoa dinga tahsaphe leh adana poimo leh jong leh apoimo pen chu hilou ahi. Leiset hi kigot tupna dinga mun leh phat ahi.

Thu Khumkhana

Christian Neichin hi alhangpi in tahsa leh lhagao midem pumpi a hop in, Christian khat chu ama tahsa (body), phat (time), nei leh gou (property), chuleh lhagao hinkho a neiching ihiuve. Neichin hi kholai chule houbung sung abona kibang a mopohna nei ihiuve. Chutobanga phatah a imopohna hou ihin lah thei tengu leh Christian pilhing ihi diu, Pathenin eisem lonau jong bulhit tau hite. Lunglut tah a sim jouse chungu Pathen vangpeh chang taken.

PATHEN PHATTHEI BOH CHAN THEINA THUGUH

Deut. 28: 1-2

By Rev. D. Doungel

SERMON

Introduction: Bible sunga hin phatthei bohna kiti thucheng hi 32500 aum in ahi. Bible hi phatthei bohna lekhabu ahi. Ahinlah phatthei bohna chu bulhing sella um hijong leh amutheina thuguh chu akihet louva akibol louva ahileh kichang deh ding chu ahipoi. Hijeh chun phatthei bohna chan theina ding thuguh chu anoija hin point thum in veute.

A. Pathen thu a nun ding:

Abraham chu Pathen in Ur kho a pat in gamtep gam Canaan gam jon ding in ana kouvin ahi. Hichu aman kanompoi tilouvin a che jengin ahi. Chuban ah a chapa changkhat seh a ngailut tah Isaac chu Pathen in Moriah mol a keima houna a pumgo thilto a nagato ding ahi tia thupeh anei chu hahsa lseh jong leh thun anungin ahi. Hiche jeh chun Pathenin ama phatthei aboh in leisetna ding in jong chenna ding gam tum anapen, lhagaolam a ding in jong chitin namtin pa hidingin phatthei anaboh in ahi. (Genesis 12:1-3) Ven, Phatthei boh chan theina dinga eiho mopohna chu hah jong leh a thu a nun ding ahi chuteng Pathen in ama mopohna chu ahin suh bulhit ding bou ahi.

B. Pathen lhacha ho ngailut ding:

Shunem numei nu chu Pathen lhacha Elisha chun ana lung-

set in agena ding le akicholdo nading pindan atumbek in ana bolpeh in, Pathen lhacha pu jong achele teng le hikom achun akichol do jin ahi. Hiche

jeh chun Shunem numei nu a chinga cha neilouva um ana hijongleh chapa meldeitah chu anapen ahi. South Korea te agenthei laitah uvin mihaosa Choe kiti khat in a Pastor pao Lee Chuan nehding anapen, a chen na ding inn nomtah khat asah peh in lungset nale khotona anachan jeh chun a lhacha pa jal in Pathenin a chilhah te phatthei anaboh in tu hin Senator khat in ahung kisep doh in chule chief judge mi ni ahung umdoh theijin ahi. Pathen lhacha ho lungset na phat bol ho chu Pathenin a tu, acha, atuson khang geijin phat thei aboh e ti akimun ahi. Hijeh chun na Houbung sunga Houbung lamkai ho chu taopeh in lang, achunga thilpha bolpeh in ahitheih leh phat khat kom kom leh ajinu toh an nen kouvin lang kitaosah jin chuti leh ama dia jong kitil khouna hinton nang jong phatthei boh na chanding ahi.

C. Pathen na din thilpeh thase hih in:

Pathen na dia thilpeh holah

a suh mil lou beh ding khat chu Som ma khat hi ahi (Mal 3:8-12) . Ajeh chu somma khat peh chu phatthei chan na ahin, peh nom lou chu gaosap chan na ahi. William Colgate hi England gam mi, migentheitah anahin ahi. Ahinla aman somma khat kitah tah in anapen ahileh Pathen in kidang tah in phatthei ahin boh in, som'a ni ahinpen aban ban in ahung kaltouvin a chaina in som'a ko (9) Pathen ahinpen som a khat ama a chang in ahi. Hou in mun na som'a khat penom louva Pathen chanvou aman kilah ho chu a sanga tamjo vangset na mun na apeh thou thou ding ahi ti vang hi suhmil lou dia thilpha ahi.

Conclusion: Pathen phatthei boh chan theina thuguh point thum iseitaovin ahi. Hicheng thum hi phate cha a nabol a ahileh phatthei boh na chanding nabol nomlouva ahileh gaosap na chanding tilou adang aumpoi. Hoijoh na kilhen ding ham, tunin kilhen jengin. Pathen in a thu phatthei boh taken. Amen

Kisem Thahna Hinkho

SUNDAY SCHOOL DAY - 2018

4th November (Sunday), 2018

Pr. Haoneo Haoklip
Secretary, Literature & Publication

Sermon

(Rome 12:2; cf. Ephesians 4:23; 2 Corinthians 5:17)

'Themjil/ kichuhna' kiti hi mihem hinkho to kikken theilou/ mihem hinkhoa pel theilou thil-lu khat ahi. Christian te (tahsan chate) hi Christa dung sun a (Pathen thu to kitoh a) chon a hitobanga hi hinkho mang ding doltah ihuive. Hitobanga chonna le hinkho manna thei dinga kichuhna chu 'Christian them jil' akitin, hiche hi Christian hinkhoa dinga alou theilou thil ahi. 'Sunday School' kiti hi Christian hinkhoa dinga Pathen thu to kitoh a hin theina dia kichuhna (Chritian them jilna) munpi ahin, houbung natohna a alou theilou thil thupipen khat ahi.

Mitheng Paul in Rome mite henga lekha athotna a chun, "Chule nangho tulai vannoi leiset chonin chon hih un; Pathen lungdei lam, hichu apha, lah thei le phat chamkim hi ipi ahi nahet doh theina dingun lung thah kengun lang limchom puvin," atin ahi (Rom.12:2). Ephesus mite henga lekha athotna a chun, "Chule hiti chun nalhagao lung thimun kithah semun," atin ahi (Eph. 4:23). Corinth mite henga ani channa a alekhathot a chun, "Hijeh chun koi hile Christa a um chu akisem thah ahi; alui chengse chu mang gama ahitai; veuvin athah ahitai," atin ahi (1 Cor. 5:17). Hichea Paul thusei ho hi ivet le mihem hinkhoa kismetphatna/ kithahsemna hinkho to kisai thu ahi. Hichehi mihem hinkho

(adeh a Christian hinkho) a dinga angaikhoh tah thil ahi.

Rome 12:2 a 'vannoi leiset' kiti hi agomlam pen a seidin, Satan tha-

neina le vaihomna leiset chung hi ahi. Hitobang Satan leng-gam a chonna ho chu agomlam pen a seidin Pathen deilou lam a chon-

setna (kinah/ kidou, kitha/ kimat, kijou lhez, jon thanhoi, neh guh/ chah guh le Pathen deilou lam/ Pathen douna a chonsetna dang dang) ho ahijenge. Paul in alekha thotna mite (Christian te/ tahsan chate) chu hitobang vannoi chonna hoa hi chon louva, aphalam le Pathen lungdei lam a chon a, lung thah kenga limchom pudinga asei ahi. Hichea "lung thah kengun lang limchom puvin" kiti hi English Bible a chun, "Be transformed by the renewing of your minds" akitin ahi (NRSV). Hichea 'transformed' kiti thucheng hin Greek paova metamorphousthe kiti thuchenga kon a kisemdoh metamorphosis kiti khu ako ahin, hiche chu sunglam/ sung-gil a kon a kikhel/ kithah semna tah beh/ bulhingset a kikhelna hinkho chu ahi. Hichu kikhel mai mai hilouva bulhingset a kikhelna tah beh (complete change) kiti chu ahi. Vetsah nan, 'ngengchal' kiti ganhing khu leinoiya kon a lung/ lung lim a hungdoh a asunga kon a ganhing chom/ thah 'ngengchal' kitipen khu hungdoh a, lung limpa chu thia agop a umden jia, asunga kon a hungdoh lim thah beh (ngengchal lhanei) chu leng lea hamle ji ahitai. Hiche hi 'metamorphosis' kiti chu ahin, hiche chu 'hinkho thah' (transformed life) kiti chu ahin. Mihem hinkhoa dinga, "lung thah kengun lang limchom puvin," kiti chu hitobang hinkho hi ahi. Hitobang hinkhothah manna dinga hin lung khel/ lung thah ken angaiyin

ahi. Hichu polam mitvet a kikhelna mai mai hilouva sung-gil a kon a kikhelna tahbeh chu ahi (cf. Eph. 4:23). Christian te dinga hitobanga kismephat/ kithah semna kiti chu Christa tahsan a Christa Kipana Thupa (Pathen thu) to kitoh a Pathen deilam hinkho man chu ahi (cf. 1 Cor. 5:70). 'Kismephatna hinkho/ kismethahna hinkho' kiti chu hitobang hikhlo hi ahin, hichu tahsa le lhagaova kismephatna hinkho chu ahi.

Mihem hinkhoa hin tahsa le lhagaova kismephat/ kismethahna hinkho angaiyin ahin, chule 'Sunday School' kiti hi hitobanga hinkho kismephat/ kismetup/ kismethahna dinga kichuhna mun dih tah chu ahi angaiyin, chule hitobang chu hidoh sah tei angaiyin ahi. Sunday School hinpandoh pa Pu Robert Raikes kitipa chun thil semna mun (factory/ industry) lah dunga sun nilhum kei keiya natong ji chapang ho choldo (suty/ Sunday) nikho tengle donlou dailouva lampi lah dunga nendeh duh a kichem chavai ji chapang ho hinkho semtup/ semphat a gamsunga ding le namsunga dinga manchah thei mi phachom (good citizens) sodoh teina ding lung tup anei yin, hijeh chun hitobang chapang ho chu aman tup/ akhom tup jin, Bible thu (Pathen thu) a pansan themjilna (lekha sim, lekha jih, thenna le chonchan pha kichuhna ho) anapejin ahi. Htia Robert Raikes kitipa natoh dan hi ivet

thildang ahipon, tahsa le lhagaova mihem kinkho semphat/ semtup/ semthahna natos ahi. Hichea hin 'Sunday School' kiti hi tahsa le lhagaova hinkho semphatna dinga kichuhna mun phatah ahi, ti phatah in Hiche thu hi phatah le lutah a gel/ ngaito a, hiicheto lhon a hi, 'Sunday School' kiti hi tahsa le lhagaova mihem hinkho semtup/ semphat/ semthahna mun dih tah mong momg hidoh sah tei angaiyin ahi. Ahin, hichea het ding khat chu, akisei ('Sunday School' kiti hi tahsa le lhagaova mihem hinkho semtup/ semphat/ semthahna mun dih tah mong momg) hi moh sodoh jeng thei ahipon, asodoh teina dingin houbung le houbung lamkai ho, minu-mipa, chule jilkung hon phatah a pan alahna diu le amopohnau lentah aumin ahi. Hiche thua hin gelding/ seiding tapi umho lah a alou theilou apipha dom themkhat anaveu hite.

Houbung le Houbung Lamkaiho

Tahsa le lhagaova kisémpatna dinga Christian themjilna munpi Sunday school hi houbung natos thupi tah ahina hi houbung mipi le lamkai hon phatah a ahet uva, agel khoh uva phatah pan alah uva a atosot u angaiye. Hichena dinga hi Sunday School phatah a achehoina ding le akhantou theina dinga ngaicha thil hoa lunding/ manchah dinga kumbul houbung Assembly tengle Sun-

day school a dinga ning lhing set a Budget akaidiu ahi.

Sunday school jilkung ding hi suhto mehbeh mai mai hilouva, ahina ding dol tah a (effective tah a) poding le tong ding mi dih tah a lhen them angaiyin ahi.

Sunday School a kihilna (class lahna) ding mun phatah le lhingset a gon angaiyin, hichena dinga hi Sunday School inn phatah bulhingset a gon a sah ding ahi.

Tu khanga technology/ electronic lam a mihem khantouna to kitoh a mihilna lam a kithopina (teaching aids) manchah thil (e.g computer/lap top, projector le ngaicha dang dang) ho lamdoh a manchah ding ahi.

Sunday School superintendent umna hoa superintendent hi amin pumai mai hilouva Sunday school khantou/ machalna ding lampi agon a, lung le tha apat a phatah a gunchu tah le pontho tah a pan alah ding ahi.

Sunday School khantou/ mchalna dinga superintendent le jilkung ho thilgon ho chu houbung lamkai hon phatah a atosot uva atilkhou diu ahi.

Minu-Mipa

Minu-mipa ten Sunday School phatah a agelkhoh/ akhohsah ten angaiyin, hicheto lhon a hi anoia kipeho hi phatah a abol a achepi angaiyin ahi.

Sunday School hi chatea ding bou

dan a ngaito louva minu-mipa ho tah jong Pilhing Sunday school a phatah (regular tah) a kajjing ding ahi.

Pilhing class le chapang ho class phat kibanga akibolna mun/houbung hoa minu-mipa eima tah in ichate phatecha puiya kaipi ding, class phat kibah lounaoubung hoa minu-mipa ten ichate Sunday School a dinga phatah a got tup a taona to thoa phatah a tilkhouva sol jing ding ahi.

Jilkung hon inn a simding le bol ding (home work/assignment) ichateu ahinpeh hou chu phatah a gelkhoh peh a phatah a bolsah jing ding, aboina houva kithopi ding ahi.

Ichate Pathen thu le chon le khan hil hi Sunday School a jilkung ho chung bouva kingap le nganse bol louva eimatah in jong insung maicham a ichate phatah a Pathen thua lamkaiya, Phatah a Pathen thu hil a, athisan/alungthim/ ahinkhouva chansah a Pathen thu dihtah a kibulphusah tei got ding ahi.

Jilkung hon ichate lhahsamna thu ihin hetsah le lung nopmo le lah-koi (ahilou lam a san) bol louva icha hinkho semphatna dinga jilkung ho to kithoa pan lah khom ding ahi.

Ichate tahsa lam themjilna/kichuhna (secular education) a School akaina lamu igelkhoh/

ikhohsah tobang bang lhagaolam themjilna/kichuhna Sunday school lam jong gelkhoh a khohsah ding ahi.

Jilkung ho

Sunday School a hin jilkung ho mopohna le panmun (role) athupi lneh jengin ahi; ajeh chu Jilkung khat chun tahsa le lhagaova jil-lai ho hinkho semtup/ semphat teiding tupna lentah pum a taona thoa phatah a pan alah ding angaiyin ahi. Hito lhona hi jilkung khat in anoia kipeho banga hi gelkhohna neitah a pan alah ding ahi.

Mi khat chu athanopna hihen, athanop louna tah hitajongle jilkung dinga ihung kilhendoh khah tah a ahile itoh mun chu Pathenin eingansena Pathen natohna mun a lah jenga, kipeh thengna neitah a, taona to thoa lung lut tah le pontho tah a tohding ahi.

Jilkung kiti hi jil lai ho dinga imalam jousea vetjui (role model) ahi, ti hi sumil louva, Suda school nikho le class galah a kin suh lhah mai mai hilouva jillai hon tahsa le lhagaova hinkho kisémpnatna dih tah aneidoh thei teina diuva jilkung khat chun Pathen thu to kitoh a dih tah le kitah tah a thusei/lasah abol a hinkho aman ding ahi.

Jilkung kiti hi jil-lai ho dinga class phat sunga ding bouva jilkung hilouvin, phat jouse le mun jousea jilkung vetjuia um kahi, ti gel-

doh jinga Sunday School class phat mai mai bou hilouva ama hinkhoa kon a jil-lai ho kismephat theina dinga phat jouse le mun jousea vetjui thei hinkho man a, phat dang le mundanga jong i-jil-lai ho chu hil jing/ suh dih jing ding ahi.

Jil-lai ho hinkho le dinmun (aphatna le alhahsamna) thua anau-apa teu ahet themsah jinga amaho to kithoa chate/ jil-la ho hinkho semphatna dinga pan alah khom diu ahi.



Sermon

Thumakai:

KBC in kumseh in Events Calendar isemjiuvin Nute Nikho, Pate Nikho, Meithai Nikho, Chagate Nikho, Chapangte Nikho chule adang dang tampi nikho thupitah in imangjiuvin taopehna le thilpeh chule kisuhhal theina dingin program ikigonjiuvin ahi. Hiche nikho thupi imanlah'uva hin Chapangte Nikho jong apangin, ahin events dang iman-utoh akibahlouna ahilouleh igeldaunao umjep dingin katahsanne. Events dangjouse hi Dept. Ihingcheh in akigon ahin, chapangho hi eiho Women Dept. ahilouleh Houbung a kingam ahin, igonpehlou jongleh khohelou lai ahijeh un ima jong aseideh pouvin hitihin atamjo in taona akimanpeh a offering akilahkhomle tin bailamtah in imangjiuvin ahi.

Chapangte Nikho akimanlona pipen hi ahileh anikho khat manpehmai maiding tina ahapon, chapangho Bible thuhil dungjuija tahsa le lhagao lam-a khohsah dingdan hihen, hiche nikho kiman nitengleh akimanlona amahon jong ahethhei leh athanopna diuva program ho gonpeh-a, activities ho bolsah-a thanom tah-a mankhom dinghi igeldiuvin ikitem uve. Chapangte Nikho hung kipatdan hihen Secular lam-a ahung kimandan phabep anojia hin anaveohite:

1. CHAPANGTE NIKHO HUNG KIPATDAN THUSIM CHOMCHA:

Chapangte nikho hi June 1857 2nd Sunday nikho-a Rev. Dr. Charles Leonard, Universalist Church of the Redeemer, Chelsea, Massachusetts, USA munna ahinpatdoh ahi. Hiche nikho a hi Leonard hin Chapangho dinga atumbek-a Special Service ahingon-a hung kipan ahi. Hitichun Leonard in hiche nikho chu Rose Day tin ahinminvo in, abanin Flower Sunday in ahung kikhel in, khonungin Children's Day in ahung kikhel in hitichin tunichanin Children's Day tin vannoi pumpia ahung kimangtan ahi.

Chapangte Nikho/Children's Day hi aphot ahung chedungjuiyin country chom chom in National Holiday in phondohna ahinneiyun, anikho jong ama gam dei-

dungjujin ahinmang cheh uvin ahi.

June 1, 1950 a pat in Chapangte Nikho in The International Day for Protection of Children ti ahung kimangpan in ahi. Hiche hi Women's International Democratic Federation hon Moscow munna 4th November 1949 akikhopnaova ahinphudoh-u ahi. UN recommendation dungjuija Nov. 20 nikho hi Universal Children's Day tia hung kimangpan ahi. Agam agam in officially a Holiday dinga aphondohnao vang achomcheh ahin, eiho India gam-a November 14 nikho hi Prime Minister masapen Jawaharlal Nehru birthday nikho hi Chapangte Nikho in igamsunguva imanguvin ahi. Nehru chun chapangho ngailutna le khotona vetsah ding tiho anagelkhoh in ahi. UN noija UNICEF kiti jonghi alhangpi-a chapangho gelkhohna-a kiphut ahi.

Securlar lam-a ahung kimanna lungtuphi ahileh chapangho achanding dol tichu rights aneihou huhtuppeh ding, themjilna lam-a khohsah ding (eiho India Constitution a kikoi khat chu ahileh chapang kum 6-14 jouse manbei le compulsory education pehsok keiding ti inei uvin ahi), child labor umsahlou ding, adamtheina diu khohsahna neiding tiho tampi hi aumin ahi. Chapang

lamkhohsahna jallin NGO tampi jong India gamsung le vannoija tampi aumin ahi.

2. CHAPANG KHOHSAHDING THUDOL-A BIBLE THUHIL:

Chapangho khohsah dingleh khoukhah ding thudol hi Bible muntam tah-a imuvin, chapangho banga lungput iputdiuvin jong eihillun ahi. Anoija Bible chang hung kipeho hi isimle Pa-kai Jesu amatah thuhil a konin

jong chapangho khohsahding thu ho imuvin, Proverb le Psalms sung chule Solchahho le Them-gaoho thuhil-a jong chapangho thudol-a ikhohsahding dan'u Bible thuhil kicheh tah in imuvin ahi. Mark 10:13-16; Matthew 19:13-14; Luke 18:15-17; Psalms 127:3-5; Proverbs 13:22; Proverbs 13:24; Proverbs 17:6; 22:6; Matt. 18:10; Luke 9:46-47; Mark 9:35-37; James 1:27; John 16:21.

Thukhumkhana:

Achunga point iseihouva kon-a achaina-a iseinom'uchu tunichan-a Chapangte Nikho secular lamin hoitah-a amandan ivetleh eiho Pathen tahsan chate chule Bible thuhil neite ihiuto lhonna tumasanga sanga hoijo, phajo le nomjo-a program sem-a manna dinga igel khohjep uva imandiuvin ikitem uve.

Chapangho hi activities ho tampi gonpeh-a, Pathen dingle Houbung a dinga amanlutdan-u hetsah ding, chule nule pa tenjong inmun-a anikho niuleh maicham sempeh cheh ding, kipa thilpeh jong peh-a kipasah ding, Church programme tilouva jong park dung ahilouleh restaurant dunga annehkhompi tiho hi bolthei ahi. Chapangte Nikho kimanghi adeh in Houbunga dinga Chapang teho dinga ministry khat ahijeh in khonunga Houbunga ding mipachom ahung hinadiuva hoitah-a ibolpeh jingdiu chule Sunday School le Chapang Camp jong ngailutna neitah-a ibolpehjing diuvin aphai. Kakipah-e.

MBC Mission Secretaries Exposure Tour to Moreh 2018.

Achesa nisim 19 October 2018 nichun MBC Mission Secretary jouse le ajiteo Moreh khopia Exposure tour anakichen ahi. Hiche program a chun nupa 15 ahung kikhom doh in driver ho pannan mi 32 akilhinge. Association 29 akon Secretary ho limle melin kihe totajong leh ajiteo tuni chana kihetto na umlou anahi jehin kihetto naphat akinei khom in Pathen henga toana akimang khom in ahi. Hiche hung kibol lona hi kumsung ahin Mission Secretary ho hi onganlou khopin Association natoh to kisai jin akiboi jin khat vei sunhi jite toh kihuilha na neija Pathen thua pan laikhom ding dan seikhom nale mabana kisuh hat nadia phat mankhom ding deisah na jeha kibol ahi.



Hiche Exposure tour a hin Nu Chinneivah Haokip ADC Member Moreh in akalsong MBC Mission Secretary hole ajiteo lhunnading Hotel kilem tah booked anabol in Jingkah Breakfast khat jong ainn muna tuitahin offer anabol in ahi. Chuche keo hi louvin ache jouse gift neokhat cheh ape kit e. Pathen natong ho kithopina dinga pan alah thei kipa thu asej jin, ahung kikhom houlhacha natong ho jalla phatthei achan ding kinep na anei aphonng doh in ahi. Athil phabol kipa pinan MBC Mission secretaries lama kon in jong ngailut thilpeh anakinei jin chule insung mite din Pathen henga taopeh na jong akinei jin ahi. Nu Chinneivah thilpha bol hin KBC houbung nasatah in achoi hoije ti muthei jin aumin nasatah in ikithangat piuve. Loile pai tampin amanu thilpha bol jallin KBC chungu akipa nao aphonng doh un ahi.

Moreh khopia program kinei ahijeh in alamkai agong MBC hijong leh eiho KBC te panlah na alenin kipa umtah ahi. Pathen in MBC Mission phatthei boh jing henlang hiche Convention sunga um KBC jong hethei le kinep pi thei, mija theile monpi thei lamkai pha le mi incheng eihin peh be jing taohen.

Zaccheus Ministry 2018.



Kumseh a KBC Mission in ahung kibol jing bang in tukum jong sopi Meilhei ho laha Zachaus Ministry chu Pukhao Naharup muna 13th Oct.nichun lolhing tah in anakibol in ahi.Hia chun Pastor Shyamchandra main speaker in apang in,Meilheite khanggui a Pathen thusim anum ho ahing jing ihoulaui Pathen hi kisei na ahi tin thanom tahle lung lut tah in houlimna ananei jin ahi.Mipi 200 ahung kikhom doh in ahi.Mipi kipa sahding le thanop sah din Manipuri Film Comedian Joseph le Rangilal apang honin chule vahchoila san Miss Kabita anapang in ahi.Amaho cheng hin mipi thanom tah in aumsah un Pathen thu Speaker pun lungnachim set in anasei jin ahi.Pathen thusei ahung kichai jin ahung kikhom jouse Ankong akisokhom pin program lolhing tah in anakichai jin ahi.

SEROU MISSION FIELD A HOUINN LE MISSIONARY QUARTER THENSO NA KINEI TA.

Serou Mission field hi lamkai masa hon Serou Area a sopi Nepali ho lhagao pohnat na jalla anahonu Mission field khat chu ahi.Kumtampi hi Evangelist Kanta missionary natong din ina koi un hinlah tahsan chate kikhop khom nading mun kitup anakigon peh jou poi.Amajong ajitoh tomngai tah in anapangin tunin atohmuna kon pension jong ache tai.Chujouvin Mission field a chun koima anum tapon Gambih le Chakpi Molbem haosa pun pohnat na nasatah ananei jallun athah tah in chohing na tohgon ahung kinei kit in chuti chun KBC office lama kon in Missionary khat anakisol peh kit in ahi. Chakpi Molbem haosapu Pu Thonglet Haokip in ainn honsung ahinphal dohin hilai muna chun gambih hapan na jallin Missionary Quarter khat ahung kisan achung tin chu Office lama konin anaki khun quarter chu sah chai ana hitai.Hiche Mission quarter ahin Evan. Prem Thapa ana kisol in tuni chanin pontho tah in pan ahin lajing in ahi.Chujouvin Molbem

haosa pun ahin vekit in Mission natoh ding gelkhoh na jal chun agamleiset Houinn khat le Quarter khat sahna kham ding ahin pedoh kit in ahi.Hichan a gelkhoh taha gambih le Haosapun pan ahin lahto lhonin Mission Board in jong 2018 Kumbul Mission tohgon in ahung kikoijin Houinn khat le Quarter khat sah din kiphat sah na ahung ki-nei tai.Hichun Gambih in Houinn ahin saovin Mission office in Quarter ahung kisa pan tai.Houbung mite taona jalle Gambih sung mite pan halah jal,chule gambh sunga Pathen natong nom sopi ule nao hong phal taha pan hin laho mina phah dia pu Khupmang Haokip Chief of Lonpi Khonou le Pu jamkholen haokip Chief of Khopijang village pan halah jallin Houinn chu sah chai jin ahung umin chule Missionary Quarter chu Convention office lama konin sumle pai akiboipin achesa 24th October 2018 nin Rev Henjalen Dounge KBC Mission Secretary le Pastor Jangkothang Kipgen Gambih Pastor kinthempu hinan kothon nale thenso na anakinei tai.Gambih houbung lamkai jouse akikou vin kipa ankong sokhom na jong anakinei jin ahi.Tuhin hiche houbung a kaiding hi mi 24 ahiuvin hiche ho lah hin 14 Baptist member ahiuve.Houbung pilhing tah khat ahung hijou nadiuvin itaonao vah geldoh jingu hite.

KIPA THUSEINA

1. Date 22 August 2018 ni in Centre Church New Lambulane a um Pu Letthang haokip le Pu Haopu Singit Mission secretary chule Rev. Ibomcha Singh, Supervisor Meitei Area amaho cheng kithokhom nan Top Siphay mun ah Zakai Ministry anabol u chu lolhing tah in anakichai tai.Hiche nichun mihem 190 vel akikikhom doh in chule Jesu Christa katahsan mongmong e tin mihem 92 vellin khutdopna aneiuve.Hiche Ministry hi kineppi umtah Centre Church New Lambulane Imphal ten Sponsor eibolpih u ahi.Amun ahchun Ministry kibollona thudol sein a kineijin, mipin lunglut tah taokhomna akinei in Programme akichaitai.

2. Moreh Canan-veng Ward No.7 "Tahchapa Gym" President pa Pu Hollal Haokip in ngailutna neitah a Moreh Meitei Baptist Church Ground Cement Plaster eibolpih nachung uvah seijoulou kipathu kahinphong e.Tuhin hilai munhi ahoipen/aphapen/anompen asohdohtai. Pathen in ama le ainnsung mite malam a anatoh naovah phungvuh jing taken.Chule hiche Ground hi chaitheng ahitoh lhonin Dt,9th September 2018 nin Pakai lhacha Rev.Ibomcha Singh Supervisor Meitei Area in thenso nale lhandohna aneitai

Rev.Ibomcha Singh, Supervisor Meitei Area KBC

38th

KUKI BAPTIST CONTION MEN DEPARTMENT

ASSEMBLY PROGRAMME-2018.

Amun: Centre church New Lambulane KBC no.1.

Lhunkimni:7th December,2018 (Friday).

Aphat sung:8th – 9th December,2018 (Saturday & Sunday).

HETSAH:

Registration mi khat'a Rs.100/- hiding ahin,Badge,File,Writing pad,pen amun a kihom ding ahi.

Fund peh ding a lom pelou lai hon nahin kipoh cheh diovin Pakai min nin kahin tem uve.

Report pedingho:- Gambih no.1-20,sunga secretary sese in 30th November2018 kah in Rev. Kaikam chongloi secretary Men Department khut na pehlut cheh ding ahije. (Report a angaicha ho alhangpia anoija hin kahin tah langnge).

Gambih pastor.

Gambih no... Men Department Lamkai ho 2017 – 2018.

2018 kumsung nga nakitong doh ho:

Statistics:

Financial Report:

Ahungpang thei ding ho:

Gambih leh Centre Church Pastor jouse.

Convention le Gambih Men Department work Committee jouse,

Houbung nga Men Department Chairman le Secretary ho.

Convention Men Department President nukhahpen.

Pastor ho hi Gambih leh Centre Church hon nangma Pastor cheh cholam nahin gonpeh dio ahi e.

Daplai ahi jeh in eima ngai chat khoh ho kipoh cheh uhte.

Pakaija natoh khompi u

Rev.Kaikam chongloi secretary men Department KBC.

KBC MEITHAI CAMP 2018

KBC Assembly 2018 a pha ana kisa bang in KBC Women Department in October 17 – 20, 2018 sung in KBC Centre Church New Lambulane Imphal, KBC No. 1, Houin munna Rev. Dr. Niangpi Singson le Pi Boinu Mangte Speaker hina; "Kicha hih in Keiman ka umpi jing nai." (Isa. 41:10) thupi mang cha in 19th channa KBC Meithai Camp Pathen panpina jal in lolhing tah in ana kibol chai thei tai.



KBC gam sung le sopi dang (KBC member hilou) khat le ni jaona in agom gom in Meithai 305 in minkhumna anei uvin ahi. Atamjo kum 40 chunglam ahiuve. Thupi sei teni in Meithai hinkho man ding dan le Meithai hijongleh Pathen a kisuhat a tahsa inchen le lhagao hinkhoa minu lolhing hicheh ding, vangam ilhun teng jongleh kipaman hasan a san ding ti aha sei lhon in ahi.

Thupi sei teni in Christa hinna nei thah ho, neh le chah kitup lou tu apat ngol dinga kipedohho le lamchom chom a lolhin theina ding le hinkho khelna ding in Altar Call abol lhon mi tamtah in adonbut uvin mitlhi longpum le kappum a Pakai angunga kipehlut thahna kimu chun Pathen phatna le natohna kicheh tah in akimu in Meithai Camp bollo aum mong mong akimun, thacholna jouse jong abeilha jeng in sumlepai lut jouse jong aman alevajjel e tin akigel thei in ahi.

KBC Women Department Work Committee chengse in Meithaite jouse amunna akigeikhompi in, amaho lupna bang bang in akilum

in, amaho neh neh akine in, amaho toh akitoukhom jin, la akisa khom in, thu akingaikhom in ngailutna neitah in akihingkhom in ahi. Kikhen ni jan in Nute lunghel le kingailutna jeh in lenkhom sot-tah akibolkhomp in jan ihmud ding jong gel talouva jan toukhovah le hahkhovah jong aumdapon ahi.

Kikhenni jingkah in Nute kilhalel mama jeng chule kingailut mama jeng akijeh in phat sot tahpi houin munna akilamkhom in ahi. Meithaite hinkho le lungthomhao dan akivet leh pohnat jong aumin ahi. Minu mipa le nungah gollhangho inlam akile teng uleh analamto ding aji ahilouleh anu apa ana um tei ji hijongleh, tua Meithaite vang chol tah a in aga lhun ujongleh ana vailhun diu insung mipa ana um lou ding ahijeh in pohnat aum l'eh in, lungset le khoto aum thei l'eh jeng uvin taona in jui jing ute; Pathen Amat'ah chu amaho vailhun le kilhopi in pang jing taken!

KBC Centre Church New Lambulane Imphal a Church Pastor, Deacon Board le houbung mipite kipumkhatna le gunchuna le khoh-sahna akimu in kipa um akisai. Hiche houin mun thumna ganei ding tia akigel leh Pastor le Deacon-ho in Convention Houin (Property) ahin KBC Assembly in phatsahna aneitah leh avel a keiho kom'a amun thum angaitapoi tia lungpi tah a agel jeh un lungmongsel le lunglen tah in kin ana kibol thei in ahi.

Houbung mite kithokhomna, ahideh a lamkaiho, nute le nungah gollhangho ahiuvin Meithaite 300 val le Nute lamkaiho asasahnau lunglhai aumin, Meithaite jong akipah thei l'eh jeng uvin Houin jong nom asauvin, an neh twidon jong tui asauvin, ihmudna jong nom asauvin; bu kabetbut umlou, bu minlou le me minlou ahiloul'eh alhingel kiti umlouhel in thil akimu in kipa aum l'eh jeng in ahi.

Ekou Mulam a um Pu Thangngam leh insung mite in phaichang anchang thengset 550kgs ahintosh un, amaho chung'a kipa thu akiphong in ahi. Mi 250 val lupna ding Mattress eihin hol'peh u Pu James Doujapao Haokip chung'a kipa thu akiphong e. Mi 50 val lupna ding Mattress eihin phal'peh u Pi Heshi Haokip, KBC Youth Department le New Lambulane le Chassad Avenue a insungmi phabep chung'a kipa thu akiphong in ahi.

Dammo veiset aum jing jeh a sun hihen jankhangkim hileh BP Check eihung bol'peh u Pi Helam Misao le Dr. Mangcha Haokip chung'a kipa thu akiphong in ahi. Speaker teni lah a khat, Rev. Dr. Niangpi Singson le alhonpinu Pi Nengcha lhunna, gena, touna,

chevalena le ijakai dinga anei agou ana phaldoh a Convention nasatah a eina ngaijang u, Pu Christopher Doungele le insung mite chungu kipa thu akiphong in ahi.

Muntin a taona le lunggel chule lamchom chom a pan hinlaho jouse chungu kipa thu sangtah in ahung kiphong e. Camp kichai tajongleh iumna mun cheh uva Meithaite itaonauva ana jui jing ute. Pathen in Meitheite umpi jing henlang, KBC phatthei bouh jing taken!

Women Secretary

Women Dept, Tour cum Seminar Report

Achasa nisim 27-29th October, 2018 sunghin KBC Women Work Committee ho Gambih No. 14 Thingphai Baptist Church mun kacheuvin, Ahung kikhom Gambih nute mi 40 ho toh Saturday nilhah a kipanin ajing Sunday ni sun nilhum in Seminar Class



kaneijun, Pi Hatneilam Vice President, Ng, Anem Secretary chule Comtt, member NI. Nengboi kahiuvn, kathum uvin Class kalaovin ahung kikhom Nute ho jousen jong nop asaovin aphot chom na hou aseijun, kipa aume. Pathenin Gambih sung nute ho jouse minu lolhing ahithe cheh na diuvin phat thei boh cheh tao hen.

48th KBC WOMEN ASSEMBLY

KOUNA

Amun: Litan Sareikhong Baptist Church, KBC No..2

Aphat: Lhunkim 12th Dec, 2018 (Wednesday)
Kikhenni 14th Dec, 2018 (Friday)

Mopohna :

1. Milem ding : Gambih No.2 WCC ho
2. Physical arrangement jouse : Khonei Houbung
3. Programme lhandohna : Gambih Pastor

Hetlouva khoh ho:

1. Assembluy Member ding ho:
 - = President le Secretary nukhah pen
 - = Houbung Chairperson, Secretary, Treasurer
 - = Gambih sunga Work Committee jouse
 - = Child Evangelist
 - = Convention Work Committee jouse
2. Mess fee : = Rs., 400/- (Mikhatna)
3. Written Report pedingho:
 - a) Gambih Women Secretary jouse
 - b) Child Evangelist nu
 - c) Convention Women Secretary
4. Report Written a pe dinghon copy 200 cheh ahin kigon diu ahi.
5. Report Written bollou ho Rs. 500/- fine kila ding.
6. Gambih Secretary jousen reciept nahin kipoh cheh diu, reciept jaolouva Complain bol ho kila lou ding.
7. Phalbi lai ahin janpon le eima ngaichat lhingset a kipoh cheh ding
8. Tukum hi Assembly kiphatsah na banga nikho khat bou hiding ahi
9. Litan Sareikhong hi Ukhrul Road ahin, Imphal a kon a Km 39 vel ahi. Bahara hi Bus a Rs. 80/- ahin, Winger a Rs 100/- ahi. Parking hi Khuman Lampak Ukhrul Bus Parking kom ahin, Bus khat le Winger nibou lhajji ahin, Jingkah lang 11:00 am - 01:00pm sunga bou muthei ahi.
10. Pehdinga lom ho penai lou ho le akisuh theng nailou hon Assembly
 - a ahinpoh cheh diuga hetsahna ahi.

Lydia hung vil ho

1. Date 10/10/2018 Wednesday nikho hin Gambih No. 19 Pastorpa Rev. Thangkhosei Haokip le Gambih Nute lamkai hon Lydia Resource Centre tilkhouna le taopeh na chule ngailut



thilpeh jong ahung neijun, Anchang Bag 1, Daal 10 Kg, Soap 10 pieces, Sprite bottle 3 chule meding Beloi toh hicheng ho toh ahin pouvin, ngailut na neitah in eihung vil un achung cheh uva kipa thu pakai minin kahin phonguve. Pathen Gambih Pastor chule Nute kiloi khomna phat thei boh taken.



2. Date 27/10/2018 Saturday nikho hin Gambih No. 4 Pastorpa Rev. Mangpithang le Rev. Ngulpao C/C Salem Sapormeina toh Gambih Nute lamkai ho chule akho akhoa Nute lamkai ho Bus ni le Car nin mi 95 ahungun, Lydia Resource Centre taona le tilkhouna in thilpeh in Everyday milk 2kgs, sugar 5 kgs chule Rs 2000/- toh eihin poh peh un, Lydia sunga um jouse jong akipah un, chule nathil pha bol nao chungga Convention Nute jouse thalhengin kipa thu sangtah in kahin seije. Pathenin phat thei boh cheh tao hen.

WOMEN DEPARTMENT TOUR TO GAMBIIH NO. 2



Dt. 3/11/2018 Saturday nikho hin KBC Gambiih No. 2 Centre Zalenbung mun a KBC Women Work Committee Tour akichen, Gambiih Lamkai ho, Pastor pale Gambiih Chairman patoh akho akhoa Nute Lamkai ho jouse toh ahung kikhom mi 58 alhingin, jingkah mi anèh khomna Houbung mipiten eisempeh un. Mipi kaikhomna aki-neijin Pastor pan phat hondoh na eineipeh un, Gambiih Chairman pa in Lemna thu aseijin, Presedent in kipa thuseina le tilkhouna aneijin, Women Secynun Pathen thua houlim na aneijin. Gambiih lamkai hole Mrs Hoinu le aloinu a konin Pathen vahchaona la akingai lhan kipah tah in programme nomtah in akichai theijin Pathen thangvah aume.

Meeting with MBC Cabinet.

Achesa 17th October nichun KBC Secretary hole MBC Secretary ho MBC Secretariat office a kihou limna anakinei khom in ahi. Hiche meeting a kisei khom pen chu MBC a KBC bat chung chang ahi. Kum 2012 apat MBC Affiliated Association khat hina a membership Fund kipeji chu hung kipe talou ahitah jeh in tule tuhin 24 lakh tabang hi bat kinei ahitai. Hiche hi ipi lampi a KBC in apeh thei ding ham ti lunggel seikhom na anakinei jin ahi. KBC finance hi ipi lam dolla isem hoiju va hiche jachat umtah dinmun hi ikisuh lhap diuham tihi lungkham na lenpen khat ahitai. Muntina houbung lamkai hon office lam sumle pai dinmun ahoithei kit nadia pan ihin lah cheh diuvin temna ahung kinei jin ahi.

Youth Column

YOUTH DEPARTMENT IN KARBI-ANGLONG GAVIL

Pathen in KBC Youth Department damna le bitna eipeuvin Pathen kom'a taona jalchun thil kigong na kitongho achejing theijallin Pathen thangvahna ipeuvin ahi. Achesa May 1 nikho a KBC Centre Church, New Lambulane mun'a Youth Leaders' Meet nikho a Karbi-Anglong gambih hahsat dan le Youth in vilna neiding tia kiseilha bangchun YWC chengin gelkhohna akineijin, hito lhon chun tukum'a cheding ti seilhahna akineitoh lhon chun (Resl. 1, Meeting on 7/6/2018) achesa October 5-9, 2018 sungin Kari-Anglong Gambih Centre, Khoding mun'a chun akikal songtan ahi. Hito lhon chun anoija hin Karbi-Anglong chungchanga na kitongho phabep tahlangna kahin neiy.

VON KIPOHO

KBC sunga kineppi umtah khangthah te kom'a chun Karbi-Anglong gambih a dingin Von jong tothei ahidan ana kisei chun gelkhohna inei uvin, hiti chun Gambih 1, Gambih 4, Gambih 8, Gambih, 12, Gambih 19 chengin von ihin tohkhom uvin, hiche ho chu nikhat lhungkeijin KBC Centre Church, Canaan Veng, Imphal, Gambih 1 Youth ten ahung semtup un, Bora 40 ana phajouvin ahi. Sille chen hihen lang, Janpon hijongleh ahintoh gambih jouse chungga jong kipana sangtah akiphongin, asemtup a hungpang Centre Church Canaan Veng Youth-te chungin jong kipa thu akiphongin ahi. Hiche von pohna dinga hin Dimapur a Ihai Winger khat Reserved akibollin, ateh atom in akihengin Dimapur kilhut in ahi.

LOU (MEDICINES) KIPOHO

Karbi-Anglong Gambih sunga Houbung mite ho hin loule-ai angai-chauvin, anat asatnauva anehdiu loule-ai jong gelkhohna jal chun



pan lathei thei ho kom'a panpina ana kithum in anoija chenghi Lou le-ai a pangho ahiuvin suhmil thei ahipouvin ahi.

Dr. Tongjakai Haokip, Langol, Lou Parcel box 5 vel

Dr. James Touthang, Zion Clinic, Tuibong, Lou parcel box 4 vel

Pu Seiboi Mate, Hill Town, Lou Parcel box 3

Ng. Shishi Haokip, Hill Town, Lou parcel box 2

Nl. Rose Mary Haokip, Kangpokpi, Lou parcel box 1

Pu Lamlet Haokip, Kangpokpi, Lou Parcel box 1

Hicheng titah louvin Doctor in ngaichatho aseidung juijin Lou manchah di jouse jong Parcel box 7 vel akichoh ben ahi. Hijeh chun Louleai nengchet in akipon avat umlouhellin ana kihomdoh theijin ahi. Hiche a dinga pan hinla jouse chungah kipana seijoulou akiphongin ahi.

KALSON DAN

KBC Mission Bolero le Men Bolero ah Nisim 5, October 2018 nikho in kalsonna ana kineitai. Achemasa ho hi jan pung 10 vellin Dimapur akihungin, ahung geijep ho hi jan/jingkah pung 3 vel'ah Dimapur ahung lhung un ahi. Jan khanga kihung hijongleh Von kipo cheng chu Winger a pat in akikho lhan, cholleh nang pum in hiche janchun kakhosauvin ahi. Hijongleh KBC Church, Dimapur (KBA) a Pastor pan anneh tuitah eina gonpeh uva, lupna gena touna kisuhtah eina bolpeh nau jal chun tha kidoh dohna kahin neikit un, athilphabol chengu suhmil thei ahipon, amaho chungah kipana seijou lou akiphongin ahi.

Ajing nisim 6, nikho hin Karbi-Anglong jon dingin Di gari khat Pastor Seiminlen Haokip, Pastor, Gambih 18 in ahin puijin, gari dimset in Vonho chu kahengdoh kit un, Karbi-Anglong gam kana jontauvin ahi. Amrajan Mission Center a phat chomcha kingahpana aum in chujouvin Karbi-Anglong Gambih Centre jonin kakipat doh tauvin, amunchan gari lut theilou ahijeh in Saijang kho a chun Von ho le keiho thiljouse, akipo jouse gari jousea kon chun kasolha tauvin ahi. Karbi-Anglong Gambih a Nungah-Gollhang phabep in eina ngah un kipahtah in kaki mutouvin ahi. Ahinla thil lholding atamjeh chun mitin lungsungah ngaplelna dimset in kaum gamtauvin ahi.

KHODING GAMBIH CENTER

Saijang khoa pat chun Von kipo jouse hihen lang keiho von hijongleh kapouvin hiti chun eina ngah cheng houtoh Gambih Center, Khoding

chu kenglam in kana jonpan tauvin ahi. Pungkah khat lampi Thingnoi-gamnoija lam kahin jot jou u chun Khoding kaga lhung tauvin ahi. Khoding kho hi khonom tah ahin, khosung ah lentol jong nomtah aum in, khopam ah thing amanglha jengin, thinglhang khodingin ahingset in, ache jousen nop akisan ahi. Inbul 20 vel acheng khom un, amahon jong kalhun u chun kipah tah in eina lem un ahi. Nilhah langin ache cheng jong ball peh thei jousen ball apeh un, hiti chun Gambih sunga Youth hotoh kimutona le kivopkhomna ahung umpan tan ahi.

KAIKHOMNA HO

Kipah tah le thanom tah in Gambih Youth hotoh kimanchah khomna ana kipan in, Karbi-Anglong gambih sunga kineppi umtah Gambih Choir hojong thanom tah in pan alatheijun ahi. KBC Youth Secretary pa hi Speaker ahitoh lhon chun kaikhomna jouse'ah speaker panmun akilo jing in, Khangdongte tilkhouna giltah tah teho ana seiphongin ahi. Lasahna jong Gambih Choir ho hihen, Molsang Male Voice ho hihen, akalsong langa Gl. Paogoulal hijongleh hiti chun Vahchoila sahna ana um in ahi. Houin hi neocha hijongleh touthei thei jin akitou khom in, adollou cheng jong pamlam ah atou un kipah tah in kaikhomna jouseah hiti chun pan akila khomsoh keijin ahi. Nisim 7 chu Convention Youth Day hitoh lhon chun Youth Day thupi Hatin lang Hangin mangchan Youth Secretary pan Karbi-Anglong gambih sunga Youth-te tilkhouna aneiin ahi.

DAMLOUHO KIVETNI

Ana adamlou chapang ho hihen lang Pilhing ho hijongleh Dr. Tongjakai Haokip kivetsah dingin mitampi ahung sunglut tauvin ahi. Nisim 7, Jinkah kaikhom kikhen a pat in Nilhah nidan 5 geijin Doctor Tongjakai Haokip le Nurse teni, Lucy Khongsai le Martha Kilong teni lamkai nan adamlou cheng vetna le loule ai pehdohna, hopdohna ana kineiijin ahi. Chapangho akive masan, hiche a dinga hin mun chom chom a patna hunga acha asen hinkipoh a hung kivetsah jong atam in, chuleh alenho hijong leh hiti chun hiche Medical Camp a dinga hungkal song jong ana um in ahi.

Nilhum keijin, kichol manlou khop in Medical Team hon mivetna aneiin, Chapang 100 val leh Pilhing 100 val nikhat sungin Doctor pan ana ven, Nurse hon lou nehndan hiltah gom in louho ana peuvin ahi. Doctor pan jong ngailutna neitah in ahung kive jouse chu ajen in ahi.

Akive jouse alung u alhai sohkeijin, akum tam langhon jong Doctor pa komah adei akidoh un, Nurse tenin jong tomngai tah in lou neding dan hilpum in phatah in louho ana homdoh/pedoh lhon in ahi.

THIL KIPEDOH HO:

Vonho: Von hi Bora 40 lang chu khatvei poh a pohjou jai hoi hilou ahijeh in Christmas ding teng avella Gambih Pastor le Gambih Lamkai hon jong ana hopdingun akehkhath lang Gambih Pastor kom'ah akikoijin, adangse chu ana kihomdoh in ahi. Von kihom ho jong amaho akithah hop kit un, von hoitahtah akipeh jeh chun alung sungu kipanan alodim in ahi.

Lou: Lou jong akivetsah jouse akipeh nungin jong tapi aumnah laijeh in Hop thum in akihom kit in, dammo ni le Houbung hon ana manchah diu tin, Molsang Houbung a umding in parcel box 3 akipoh sah in, Khoding a umding in jong Parcel box 3 akikoijin, chule Amrajan Mission Center a jong parcel box 3 akikoijin ahi.

Trolly Sound Speaker: Chukey hilouvin Gambih Choir hon ahin manchah diu tin Trolly Sound Speaker jong khat ana kichon, hiche jong chu Gambih Choir ho manchah dingin ana kipedoh in ahi.

Ann-nehna kong: Gambih in kinle dong anei nikho teng leh anneh na'a manchah ding kong (plate) aneilou jeh un kon jong piece 100 chohna dingin gambih chu sum akipen ahi.

Jan-Ponsil: Gambih in jong gambih vilho sille ding ponsil ima ninglinga aneilou jeh un blanket jong phabeppi aki pen ahi.

Solar lamp: Gambih pumpi sunga Electricity alhun loujeh in nilhah ahung hia pat in khosung athim in, kimanchah dan ahah l'eh jengin ahi. Hijeh chun Youth-ten igelkhonau bangin Solar Lamp hi piece 100 akichon, Gambih pumpi chu kho 6 aum in kho 6 sunga hin inbul 95 ahin, inson chang ding in Solar lamp chu khatcheh ana kihoppeh in ahi. Chule Gambih 16 Youth ten ahintou Solar lamp 10 jong chu Houbung jouse jong khatcheh akipekit in ahi.

KIKHENNI

Kingailutah in ki-it tah in nisim 8 nikho, jingkah ann-neh jouvin Khoding mun akihin dalha tan ahi. Mitin in thilpha kibol chu aheuin, akip-

ah un KBC in ichan'a Karbi-Anglong Gambih akhohsah ham ti ahedoh beuvin, thilkibol jouse hi ngailutna a kibol ahidan phatah in akihin seipeh in ahi.

AKALSONGHO:

Pu Seikhogin Doungel, Youth President
 Pastor Satminlen Khongsai, Youth Secretary
 Gl. Thangkholun Singsit, Youth Vice President
 Pu Thokhongam Haokip, Youth Recorder
 Dr. Tongjakai Haokip, Langol
 Ng. Lucy Khongsai, B. Vengnom
 Ng. Martha Kilong, Guwahaty
 Gl. Mangcha, Guwahaty
 Pu Lalsei Chongloi, Driver
 Gl. Lalboi Doungel, Driver

KARBI-ANGLONG A DIA SUM HINTOHHO:

Gambih Youth Level:

Gambih 1 Youth Department	- Rs. 18,820/-
Gambih 2 Youth Department	- Rs. 17,500/-
Gambih 3 Youth Department	- Rs. 4270/-
Gambih 4 Youth department	- Rs. 16,790/-
Gambih 5 Youth Department	- Rs. 7700/-
Gambih 6 Youth Department	- Rs. 2060/-
Gambih 7 Youth Department	- Rs. 2000/-
Gambih 8 Youth Department	- Rs. 12,895/-
Gambih 9 Youth Department	- Rs. 6500/-
Gambih 12 Youth Department	- Rs. 7010/-
Gambih 15 Youth Department	- Rs. 2000/-
Gambih 19 Youth Department	- Rs. 7030/-

Changval:

Gl. Lunkhongam, Haijang, Gambih 10,	Rs. 500/-
Pa Seiminthang, C/C Kangpokpi,	Rs. 1000/-
Nl. Vahneihing pi, C/C Kangpokpi,	Rs. 500/-
Gl. Douthanglen,	Rs. 500/-
Ng. Neoshi, C/C Lamphel,	Rs. 1000/-
Ng. Neopi, Gambih 4 Youth Secy.,	Rs. 1000/-
Gl. Lamgoulen, C/C B. Vengnom,	Rs. 1000/-
Gl. Papao Haokip, C/C Molnoi,	Rs. 500/-

BQ QUEST

LOHING TAH A KICHAITA

Pathen panpi najallin KBC Houbungmi keu hilouvin Houbung danga kon in jong thanom tah in Bible Quest 2018 chu achesa November 14, Sunday nikho chun Exam Center 60 langah lolhingtah in ana chelha tan ahi.

Hito lhon chun Result hung kisutup in tin, Lolhinna neiho hi KBC Youth Assembly 2018, Chassad mun'a hopdohna kinei ding ahitai. Lolhinna neiouse jong thonlouva hiche Lolhina jalla kisem Kipaman hung kisandia temna le kouna ahung kinei jin ahi.

YOUTH ANNUAL ASSEMBLY 2018

12-15 DECEMBER

Tukum Youth Annual Assembly hi KBC Centre Church, Chassad, Gambih 17 mun'a umding ahitoh lhon in muntin le Houbung tin'a Youth lamkai jouse hung pang cheh dingin temna le kouna ahung kineiye.

Tukum Convention Youth Lamkai cheng jong a term u lhing ahitah jeh in amaho Lhahdohna jong umding ahijeh in Gambih a Youth lamkai hon jong hingeldoh un lang, amaho Lhahdohna a jong pan hinla teidia kigotna pum'a nahung kalson dingin temna sangpen kahin neikit in ahi.

Election kum ahijeh in gunchu tah le thanom tah in atom nathei chan in pan hungla gouhite. Taona toh thon pang jing ute.

Hetdia Poimo:

Lhunkim	: 12 December 2018
Assembly	: 13-14 December 2018
Kikhen	: 15 December 2018

Assembly chai nilhah teng leh ADVENT CHRISTMAS mankhomna umji ahin, chukey hilouvin GIFT EXCHANGE jong umji ahijeh in ahung

kalsong Nungah-Gollhang jousen GIFT EXCHANGE a din jong hung kigo cheh leuhen tia hetsah nale temna hung kinei ahi.

Hetsahna:

Gari Reserved kibol joulou ding Gambih aumkhah leh ahung pang ding jat toh nahin hetsah diuvin hetsah ihuive.

Nisim 12 nikho teng leh ahi thei channa Litan Sareikhong, Gambih 2 a kinga kim'a nidan 11:00 AM beh a kipatdoh ding in ngaitou hite. Gari hin kilah jousen KBC Youth Assembly a banner neokhat beh hin kitah cheh ute.

Mess Fee peloulai hon Assembly che kah in hin pechek leuhen tin ngehna ahung kineiye.

L. HENGJOL CHAPANG CAMP



LOLHING TAH A KICHAITA

Pathen mapuina jallin achesa nisim 12th - 14th October, 2018 sunghin L. Hengjol Baptist Church KBC No. 7 mun a Chapangte Camp akibol in lolhing tah in akichai tai. Camper mi 130 apangin, Speaker Evan, Thangboi Kipgen le Evan, Lamjamang Lhouvum C/C Salem Sapormeina ahilhonin, chate mi tamtah in Christa tahsan na penthah nale kistem thah na aneijun, chuleh kipa thu seinajong aneijun ahi. Tuc-hung Camp a Speaker teni chungle Camp sunga kimang cha ho jouse chungajong kipa thu sei joulou kahin phonguve. Pathenin L. Hengjol B/Church umpi jing taken.

KBC Secretaries tour chelha jing

Kumsunga tour hung kibol jing to Ihonin achesa 6th Oct. 2018 nin gambih no 13 Khangbarol Area anakivil in 20th Oct nin jong KBC no



16 Molnoi Area anakivil kit e. Date 3.11.2018 saturday nikho in KBC Gambih 1 Centre Langol aga kivil in Convention Office leh Gambih Houbung kikah a kigui jop na ahung hoicheh ding kinep aum e.

Workers Prayer Fellowship.

Workers Prayer Fellowship 9th Oct. Nia anakiman khomna a chun kipa umtah in United Christian Prayer for India akon lamkai ni Rev Roy Chaudhuri le Rev Goldsmith in eihung vil utoh akitokhah jeh in ana ki-mang khom in Roy Chaudhuri hi tule tua CBCNEI President ahin chule Rev Goldsmith hi UCPI General Secretary ahi.

Diamond Jubilee a dinga kigotna.

Ahung lhung ding Nisim 15 Nov. 2018 a KBC Diamond Jubilee man na ding to kisai jin Diamond Jubilee a dia kigot na natoh tampi achelha jing in ahi. Public Urinal shed & Wash Room.



KBC Compound sung Stone slap kipha.

Chunga hung kitah lang natoh ho jouse hi tohdoh nading hin sum-le pai thale jung chule kipumkhat na angaijin hijeh chun muntina houbung mitheng te jousen office lama nakitong ho hi geldoh jing u tin Convention ngailut nan alohin thei cheh nadin Pathen henga taona to thon pan hin lao hite.

KBC OFFICE NUTEN SOCIAL WORK BOL U:



Tuni 8th November, 2018 (Friday) nikho hin KBC Office Compound sung natosh ache lhah jing toh kilhonin Compound sunga um Nute hon Office Window ho asuthengun, pontho tah in na atong khomun achunguva kipathu akiseije.

KBC THUSO THUA HETSAH

Amasan muntin KBC Thuso ngailua sim jouse nabon chaovin Pakai Jesu minin Salam kahinpeuve. Tunia nakom uva hetsah le taona kahin neinom napen chu, I Thu uhi ahinjing ding ideicheh un, ahintheina ding chun ataman hi peh jing angaijin, hijeh chun angailua Subscribe hinbol a tuni geija aman kitup tah a hinpe jingho chungu kipa thu ahung kiseijin, amavang aphatcha a alahman pelou hon lungset tah a anahethem dingin hetsahna ahung kineije, tukum chan a hung kisuh theng lou ho kum ni sanga tamjo bat nei jouse Kumthah 2019 January Issue a kipan a hung kithot jomjou louding ahitai.

~ Thuso Editor

Gb-13



Gb-15



Gb-16



KBC Secretary ho Tour Chena Gambia 13, gambih 15 chuleh Gambih 16



Serou Mission field Church chu Rev. Henjalen in Pathen minna kot honna anei toh kilhon in Pastor Quarter Kot honna kin jong aum in Pastor Thangcha Kipgen Gb pastor in ananeitai.

Post Regd. MNP/81
Regd No. 18134/88



Gambih No. 18 a KBC Youth Dept. Tour leh Free Medical Camp aneinao

If undelivered, please return to

The Editor. KBC Thuso

KUKI BAPTIST CONVENTION

Opp. DM College, Imphal - 795 001

Contact: 9862631173